

# Pagkahimong Hingpit diha ni Jesukristo

Basaha ang mosunod nga mga pakisayran sa kasulatan. Pangitaa ang mga hugpong sa mga pulong nga nakapadako sa imong kompiyansa nga ang Manluluwas makatabang kanato nga mabuntog ang atong mga pagkadili hingpit ug mahimong mas sama Kaniya. Pwede kang maghimo og lista sa unsay imong nakaplagan diha sa imong journal sa pagtuon o sa likod sa handout.

Doktrina ug mga Pakigsaad 76:40–42

Ether 12:27

Moroni 10:32–33

Basaha ang mosunod nga pamahayag. Pangitaa kon unsay atong mahimo aron mabuntog ang perpeksiyonistang panghunahuna ug magtutok sa pagkahimong mas maayo pinaagi kang Jesukristo. Pwede nimong markahan ang mga hugpong sa mga pulong nga mipatigbabaw kanimo.

Si Elder Dieter F. Uchtdorf sa Korum sa Napulog Duha ka Apostoles mitudlo kon unsay gidahom ug wala dahoma sa Ginoo kanato:



Ang Dios wala magkinahanglan sa mga tawo nga walay lama. Siya nangita niadtong kinsa mohalad sa ilang “kasingkasing ug sa usa ka andam nga hunahuna” [Doktrina ug mga Pakigsaad 64:34], ug Siya mohimo nila nga “hingpit diha ni Kristo” [Moroni 10:32–33]. (Dieter F. Uchtdorf, “Five Messages That All of God’s Children Need to Hear” [Brigham Young University Education Week devotional, Aug. 17, 2021], 3, [speeches.byu.edu](https://speeches.byu.edu))

Gipasabot ni Presidente Russell M. Nelson kon unsay atong mahimo dihang atong makita ang atong mga pagkadili hingpit:



Buhaton nato ang atong labing maayo ug maningkamot nga molambo matag adlaw. Kon motumaw ang atong mga pagkadili hingpit, makapadayon kita sa pagpaningkamot sa pagkorehir niini. Kita mahimong mas mapasayloon sa atong mga sayop ug niadtong atong mga gihigugma. (Russell M. Nelson, “Perfection Pending,” *Ensign*, Nov. 1995, 88)